

Bthah ka sorkar Jylla ïa u AG ban ym shim kam ha ki artaiew, shen yn shim rai ka Kynhun Myntri

la kular ban shimkhia ïa kine ki kam lyngba ka tnat Law.

Ïa kane ka mat la ïakren biang ha ka Sngi Balang ha ka jingialang kaba la khlieh da u Symbud Myntri Rangbah ba peit ïa ka tnat Home (Police), u Bah Prestone Tynsong, kaba la ïashim bynta ruh da baroh ar tylli ki association ha ka jingkhot jingialang kaba kyrkieh.

“Ki jingeh ki long kumjuh... ki long pyrrshah ïa ka rukom treikam jong u Advocate General, ha kaba ki kwah ban weng noh ïa u,” la ong u Myntri.

U la ong ba ka jingthung ïa u AG ka dei ka kam kaba la pynbeit da ka Riti

Synshar, kumta ka dei ban rai da ka Kynhun Myntri, hynrei kum ka sienjam shipor, ka sorkar ka kyrpad ïa u AG ban ym mih ha ïingbishar.

“Ngin kyrpad ïa u AG ba ha kine ki artaiew un ym mih ha kino kno ki kam mukotduma bad ha ka shi taiew ngin sa ïakynduh biang ban ïakren halor kine ki mat baroh,” u la ong.

U la kyntu ïa ka Bar Association ban ïatreilang bad ka sorkar bad ban weng noh shipor ïa ka jingiakhih katba dang ïaid ka jingiakren, da kaba ong ba ka sorkar ka donkam por ban bishar bniah ïa kine ki mat.

“Ka Bar Association ka la ong ba kin rah ïa kano kano ka jingkyrpad na ka sorkar sha ki dkhot,” u la ong, da kaba bynrap ba u kyrmen ba kin weng noh ïa ka jingiakhih.

U Bah Rymbui u la ong ba ka jingiakren ka dei ka lynti ban ïaid shakhmat.

“Ïa kane ka mat lah ban pynbeit tang lyngba ka jingiakren hapdeng ki liang baroh, ym lyngba ka jingiapher ne ka jingiakhun,” u la ong, da kaba bynrap ba kiwei pat ki mat kiba ïadei bad ka rukom trei kin sa sa peit biang bad yn shim ïa ki sienjam pynbeit kiba donkam.

Kyrshan pura ka HANM ïa ka High Court Bar Association

jingpynkylla, ka jingai jingïaid lynti kyrpang ne ka jingïed bried da ka rukom kaba ym ïahap ha ki kam kiba ïadei bad ka High Court, ki dei ki mat kiba khia bha kiba ktah ïa ka paidbah bad ym dei ban shu khein sting.

Ki paidbah ka Meghalaya ki don hok ban ïoh ïa ka jingshai, ka jinglong transparent bad ka jingkitkhlieh na baroh ki kynhun bad ki jaka treikam paidbah.

"Ka High Court ka dei ka jaka treikam jong ka hok bad ka jingïaid lynti jong ka jingthungkam kaba ïadei bad ka High Court ka dei ban long kaba lait na ka jingshah ïaid kyrpang, ka jingpynkylla-kylla bad ka jingktah jong ka sain pyrrthei

ne ka jingmyntoi shimet" ong u Bah Lamphrang Kharbani

Ka Meghalaya ka don bun bah ki nongïasaid kiba la nang bha, kiba trei shitom bad kiba don sap, kiba wan na ki thaini Khasi Hills, Jaintia Hills bad Garo Hills.Ki samla kiba dang dep ïa ka jingpule Law bad ki Advocate kiba la don lypa ha ka kam ki don ïa ka jingnang jingstad, ka sap bad ka jingaiti lut ban shakri ïa ki kynhun bad ki jaka treikam jong ka ain hapoh ka jylla.

Ha kane ka por ba bun ki samla pule kiba la dep ïa ka jingnang jingstad ki dang ïakynduh jingeh ban ïoh kam, ka HANM ka buh ka jingkylli, balei yn shu

kyntait ïa ki nongthep kam kiba na ka jylla kiba la biang ka kyrdan pule, haba ki lad kam ki mih hapoh Meghalaya?

Ka jingwanrah ïa ki bried na shabar ka jylla sha ki kam kiba lah ban pyndep da ki nongïasaid kiba la biang jingnang jingstad hapoh Meghalaya, ka lah ban pynhiar shuh shuh ïa ki lad ïoh kam jong ki bried kiba la pynlut bun snem ha ka jingpule Law bad ha ka jingtei ïa ka kam jong ki.

Ka HANM ka pynshai bha ba ka jinglong jong ki kam long pyrrshah ïa uno uno u bried tang namar ba u wan na shabar Meghalaya.

"Ngin dawa ïa ka jingai jingïaid lynti kyrpang ïa ki

nongthep kam na Meghalaya; ngi dawa ïa ka hok, ka jingshai bad ka jingiakop kaba ïaryngkat ïa baroh ki bried kiba biang qualification na Meghalaya."

Namarkata, ka HANM ka kyntu ïa ki bor ba dei peit ban bishar bniah ïa ki jingeh bad ki jingkylli kiba la pynpaw da ka High Court Bar Association bad ban pynthikna ba ka jingthungkam bad ka jingïed bried ka long kaba shai bad kaba laitulid.

Hangne ka HANM ka ong shai ba lada ka jingtohkut kaba laitulid ka

pynshisha ba u Advocate General u Amit Kumar u la pyndonkam bakla ïa ka kyrdan jong u ne u la pynsniew ïa ka burom bad ka jingshaniah jong ka ophis, ka HANM ka ngeit ba ka jingbteng jong u la katei ka kyrdan ka dei ban shah bishar bniah bha, kynthup ïa ka jingdawa ban weng noh ïa u ne ba un hiar shuki, katkum ki kyndon jong ka ain.

"Ka shuki paidbah ka dei ka jingkitkhlieh, ym dei ka jaka shimet jong uno uno.Lada ka jingkitkhlieh ka duh, ka jingshaniah jong ki paidbah ruh ka duh lang" ong u Bah Kharbani

Ioh jinghikai bad jingmyntoi kumba

dohkha ha ka thaini Shatei Lam Mihngi.

Ki don kumba 50 ngut ki nongrep dohkha kiba la shah jied kum ki nongïoh jingïarap na kane ka prokram. Kine ki kynthup ïa ki nongrep kiba la ïoh jingïarap ïa ki Solar-Powered Aerators na ka bor district ha u snem 2025, ban pyndonkam ha ki pung ri dohkha jong ki.

U Dr. Subhendu Adhikari, Principal Scientist, Scientist-in-Charge bad NEH Coordinator, ICAR-CIFA, u la long u Resource Person ba kongsan ha kane ka sngi ban ai jinghikai. Ïa kane ka sienjam la lah ban pynlong lyngba ka jingiatreilang bad ka jingïalam jong u Dr. Pramoda Kumar Sahoo, Head bad Director, ICAR-CIFA, bad ka Dr. Rezina Ch. Marak, Director of Fisheries, Government of Meghalaya.

La pynshai bniah ruh ïa ki nongrep halor ka jingdonkam ban pyndonkam ïaki symbai dohkha bad ka bam dohkha kiba bha, ban kyntiew ïa ka jingmih dohkha ha ki pung bad ruh kumno ki rukom ai bam dohkha kiba katkum ka juk stad saian bad sumar ïa ki pung dohkha.

Ha kane ka prokram, la sam haduh 5,000 kilo ki jingbam dohkha sha ki 50 ngut ki nongrep dohkha kiba la shah jied.

Kane ka sienjam ka wanrah ïa ka jingiatreilang kaba kham skhem hapdeng ka ICAR-CIFA bad ka tnat Fisheries, ka sorkar Meghalaya, ban pynbiang ïa ka jingtip, ka jingïarap sha ki nongrep dohkha, da ka thong ban kyntiew ïa ka kam ri dohkha haka thaini.

25 snem hapdeng ki rai-eh rai-

skul kumba ka long mynta ban phrang bad pynwandur ïaka jingnang jingstad bad ka akor ka burom haki khynnah kiba leit ban pule bad wad jingnang jingstad.

U la ong ruh ba ka jingpule mynta kam long shuh kum mynshuwa namar ka dei ka juk jong ka jingïaleh bad ki synrod bala dep pule ki dei tang ki lynti ban ithuh ïa kaei kaba la dep, hynrei kaei kaba kongsan ka long ban ïoh ïaki kam ki jam, la kadei ka kam sorkar, kam shimet ne ka kam lajong nakata ka daw ka don ka jingïaleh namar 60 hajar ngut ki samla haka shisnem ki wad lad ban ïoh ïaki kam ki jam kiba biang bad kam long kaba suk ban ïoh namar kawei ka post haka kam sorkar hap ban ïakhun da ki hajar.

U la ong ruh ba ka sorkar kala plielad ïa kiba bun ki khun samla ha kane ka juk ba mynta namar kam long kaba suk ban shu ïabeh tang ka kam sorkar da kaba pynmih ïaki skhim, ki jinghikai bad ki lad ïohkam bad pengkam khnang ba ki samla kin lah ban ieng hala ki jong ki kjat bad lyngba kane ka jingangnud ka long kaba seisoh namar bun ki samla kila lah ban pyrrshang bad ban iengskhem hala ki jong ki kjat da kaba seng ki kam lajong.

Namarkata u la kyntu ruh ïaki khynnah pule ba ki dei ban shimkhia haka jingpule ban minot thop ryngkat ka akor ka burom kaba kham kongsan khnang ba kin longbried manbried haka jingim jong ki kumba ki angnud.

Ai jingïaroh u MR ïa ka jingnoh synñiang ki nonghikai ha ka jingrakhe Teacher's Day ha Tura

kano kano ka rukom treikam ha ka pule puthi kaba lah ban kiew palat ïa ka jinglong babha jong ki nonghikai, wat la ngi pynlut katno katno ka pisa ha ki jingtei, ne wat la ngi pyntreikam katno katno ki skhim.”

Haba pynkynmaw ïa u snem 2018, u Myntri Rangbah u la ong ba haba u la pan ïa ka plan ban pynkylla dur ïa ki jingtei bad ki jingdonkam jong ki skul, ka la pyni ba donkam haduh 3,000 klur. “Nga la khmih ïa ka screen bad nga la ong, ngam don 3,000 klur. Hynrei nga la ong

ba ngin sdang, wat lada dei 10 tylli ki skul. Ka jingsdang treikam kaba bteng, barabor ka sdang da ka sienjam kaba nyngkong.”

Hadien hynriew snem, lyngba ka Mission Education, ka Sorkar ka la pynbha bad kyntiew ïa ki jingtei bad jingdonkam ha palat 2,000 tylli ki elementary Government school bad ka la pynbun ïa ki Higher Secondary Schools na ka 427 sha ka 545, da kaba wanrah ïa ka pule puthi kaba bha hajan ki ïing jong iwei pa iwei i khynnah.

La ïathuh ba na ka Chief Minister’s Special Development Fund (CMSDF), ka bynta kaba bun tam ka la leit sha ka pule puthi, kaba long kumba 150-180 klur na ka 300-400 klur kaba la pynlut ha ki 8 snem ka jingtreikam kiba la dep. “Lyngba ka Education Department, la pynlut 600-700 klur, nalar ki pisa CSR kiba la pynlut pura sha ka pule puthi.”

U Myntri Rangbah u la ïathuh ba ha ka sien kaba nyngkong naduh ba la sdang ïa ka Performance Grading Index, ka Meghalaya ka la ïoh ban mih noh na ka kyrdan kaba hapoh tam, da kaba kiew na Akanshi-3 sha Akanshi-1 hapoh tang shi snem, bad ka score ka la kiew na 448 point sha 525.7 point

na ki 1,000 point. Kane ka jingkiev kaba 77.7 point ka dei ka jingpynbha kaba heh tam hapoh shi snem ba la ïoh jingithuh da kano kano ka Jylla ha ka ri, bad ka jingkiev kaba lang kaba 124 point (31%) hapoh saw snem.

U la ong ruh ba kane ka paw ha ki result kiba ktah ïa man la ka ïing namar ka pass percentage ha SSLC ka long 97.2% bad ha HSSLC ka long 86.6% mynta u snem. La ong ruh ba ka jingkyntiew na Class X sha Class XI ka la kiew sha 82.1%, kaba mynta ka la tam ïa ka average jong ka ri, bad ka jingpep skul shiteng por ka la hiar skulun.

Da kaba kyntu ïa ki nonghikai ban phai biang sha ka jingthum ba kongsan jong ka kam jong ki, u Myntri Rangbah u la ong, “Ngi ju

shah khring ha ki kam ba man ka sngi ban pyndep ïa ka course naduh 9 baje haduh 5 baje, haduh ba ngi klet ïa ka jingthmu. Ka jingthmu jong uwei pa uwei u nonghikai ka long ban tei ïa ka jingim jong ki samla, bad haba phi tei ïa ki samla, phi tei ïa ka lawei jong ka ri.”

U la bthah ïa ki ophisar ban leit jngoh ïa 1-2 tylli ki skul man la ka taiew/arsngi ne shisien ha ka artaiew, bad ban upload ïa ki jingpeit bniah halor ki jinglong jingman ki ïing skul, ki tiar bad ki jingdonkam ha skul, ka umdih bad kiwei kiwei, kiba yn lah ban ïohi beit da u Commissioner & Secretary, Director bad Myntri Rangbah na ka bynta ban shim ïa ki sienjam ban pynbeit. U la kyrpad ïa u Commissioner &

Secretary bad Director ban peit bniah bad pyntreikam bha ïa kane.

“Kane ka jingtreikam kan dang bteng. Ngin ym kynran dien lano lano ruh. Ngi rai skhem ba ka tnat pule puthi ka dei ban kylla dur, bad ngin leh ïa kata, hynrei ngi donkam ïa baroh ban trei lang ha ka rukom kaba bha — to long shi bynta na kaban weng ïa ka jingeh, ym shi bynta ban wanrah jingeh,” u la ong, da kaba bynrap ba kawei pa kawei ka rai ka dei ban ïaid lyngba tang kawei ka jingkylli, “Kan ïarap ne em ïa ki khynnah pule?”

Hakane ka prokram la wan shim bynta da ki ophisar ba hakhlieh jong ka Education Department, ki nonghikai, ki nongïoh khusnam, ki khynnah pule bad ki ophisar:

U dei u shynrang bried ha ka rta 40 – 50 snem, lada don ba

Katkum ka jingpyntip na u bah B. Jyrwa, MPS, Super-intendent jong ki Pulit ka South West Khasi Hills District, Mawkyrwat u la ong ba ïa ka metiap jong une u rangbah la ïoh ban tam ne sei ha ka 29 tarik u ‘Nailar, 2026,

ha ka por kumba 4:20 janmiet, ha kawei ka wah kaba ki khot ka Photpyntoh kaba hap hapoh ka shnong Mawranglang, Lai Kyntoit, South West Khasi Hills District, Meghalaya.

Ym tangkata, u la ong ba la shem ïa ka metjong utei u bried ha ka jinglong kaba la pyut bha, ha kaba ka met ka thiah ha ka rukom ba la kyllaiin

hapdeng ki maw hapoh ka wah. Hadien kata, ïa ka met jong u, la pynkynriah ne kit noh sha Civil Hospital, Shillong, ha kaba la pynlong ïa ka Inquest bad Post-Mortem Examination.

“Katkum ka jingbatai shaphang une u bried uba la khlad ka long: ba u dei u shynrang, ka rta la shu antad ha ka karta 40–50 snem, ka jingirong kumba 5 phut, ki jaiin ba u phong ka long Adidas half-pant rong blue dum (Navy Blue), kiwei kiwei ki tiar ba u ne u bried u don ki long kawei ka bangle bad u sacred thread (Taviz) ba la teh ha ka kti kamon kaba shalor bad ka

jinglong jong ka met ka long ba ka la pyut bha”, ong u SP.

Shuh shuh u la ong ruh ba watla la shim ïa ki lad ki lynti baroh ban ithuh ïa utei u bried, hynrei haduh mynta ym pat lah ban pynshisha ïa ka jingithuh jong u.

Namarkata, u la kyrpad ba kino kino ki bried kiba don jingtip ne ïoh jingithuh shaphang kane ka metiap, ne kiba don ki ba ha ïing, ki paralok ne ki bried ba la tip ïa ki kiba la jah, u la kyrpad ban pyntip mar mar sha u Officer – in – Charge jong ka Mawkyrwat Police Station, ne sha Ophis jong u Superintendent of Police, South West

Khasi Hills District, khnang ba lah ban pynshisha ïa ka met jong u b bad ban pyntip sha ka ïing ka sem jong u, lada don.

“Ka jingiatreilang jong ki paidbah ban ïarap ban ithuh ïa u bried, ka long kaba donkam bha”, u la ong. U la kyrpad ruh ïa ki paidbah ban phriang ïa kane ka khubor sha kiwei, khnang ba lah ban pynithuh ïa ka metiap bad ban pyntip sha ki ba haiing hasem, lada don.

U la buh ruh ka jingkyrpad ba na ka bynta ki jingtip, sngewbha ïakren bad lane pyntip ba u Officer-in-Charge, Mawkyrwat Police Station ha u 9863398734.

Khlad noh ha shen u Rangbah ba thung baji ka Maruti 800 ha ka



miet jong ka 1 tarik u Nailur 2026, ha ka por kumba 10 baje ei ei, ha surok Jakrem–Rangmaw.

Une u bried uba la khlad la tip yrteng kum u Bah Plidor ïawphñiaw, 28 snem bad u shongkha ha Shnong Rangmaw. Hadien kata ki jingïa, ki pulit na Mawkyrwat Police Sta-tion ki la leit sha katei ka jaka ban jurip bad leh ïa ki kam kiba donkam bad ban pynlong ïa ka jingtohkut halor katei ka jingïa.

Pyndonkam ïa u slap: Ka jingtei ïa ka kolshor jong ka jingïaineh

Da u C R Patil

Naduh mynshuwa, ka um ka don da bynta kaba khraw ha ka jingim jong ki shnong jong ngi, ki kper bad ka imlang sahlang jong ngi. Ka kyntiew ïa ka kamai kajih, ka kyrshan ïa ka mariang bad ka kyrshan ruh ïa baroh ki bynta jong ka roi ka par. Ka jingïada ïa kane ka jingdon jingem kaba kongsan kam dei tang ka jingbah khlieh na ka bynta ka mariang hynrei ka dei ruh ka kamram jong baroh ha ka ri.

Ka dei kane ka jingbah khlieh kaba long ka nongrim jong ka Peyjal Ka Samman Aur Sanrakshan, ka kam ha kylleng ka ri ba pyntreikam da ka Tnat Drinking Water and Sanitation naduh ka 21 tarik u Naitung haduh ka 4 tarik u Nailar ha ka jingïasoh lang bad ka Catch The Rain campaign hapoh ka Jal Sanchay Jan Bhagidari: Catch the Rain 2026. Katkum ka jingkyntu jong u Myntri Rangbahduh Narendra Modi na ka bynta ka Jal Sanchay Jan Bhagidari ha ka bynta kaba 135 jong ka Mann Ki Baat, kane ka kam ka thmu ban pynkhlain ïa ka jingpyndonkam ïa ka um slap, ka jingpyndap biang ïa ka um kaba don hapoh ka khyndew, ka jingtei ïa ki lad na ka bynta kane, ka jingïaineh jong ki tyllong bad ka jingïashim bynta jong ki shnong ha kylleng ka ri. Hapoh jong kane, ka don ka jingngeit kaba suk ban sngewthuh: ka jingïada ïa ka um dih jong ngi ka sdang na ka jingïada ïa ki tyllong.

Ka jingkongsan jong kane ka sienjam ka dang paw shuh shuh. Ka India ka don 18 per cent jong baroh ki bried kiba don ha ka pyrrthei hynrei ka ïoh ban pyndonkam tang 4 per cent jong ki tyllong um jong ka. Ka jingkiev ka jingdonkam, ka jingstet ban kylla jaka sor bad ka jingktah jong ka jingkylla ka suinbneng ka ban khia ïa ki wah, ki pung bad ka um kaba don hapoh ka khyndew. Hynrei ka jingtyngkai ïa ka um ka dei ka kam kaba la slem bha ha ka imlang sahlang jong ngi. Wat shuwa ïa ki kam engineering, ki shnong ha kylleng ka India ki la wanrah ïa ki rukom treikam kiba ïahap bad ka jaka, naduh ki pung jong ka thaini spengi jong ka India bad ki johad jong ka Rajasthan haduh ki pung ha ki jaka mane ha ka SOUTH bad ki pung jong ki shnong ha ka thaini Gangetic plain. Kine kim dei tang ki jaka pynlang um, hynrei ki dei ruh ki kam jong ki shnong kiba la pynneh pynsah lyngba ka jingiatreilang bad ka jingbah khlieh lang. Mynta ka jingstad science bad ka teknoloji ki plie lad ïangi ban pynkhlain ïa ki kine ki kam, ban pynlong ïa ka jingpynneh pynsah kum ka nongrim kaba kongsan ha ka jingshngaiin bad ka India ha

kaba ïadei bad ka um.

Kane ka jingsngewthuh ka la ïalam ïa ka jingkylla jong ki jingpyrrshang jong ngi ban pynneh pynsah ïa ka um, ka Jal Sanchay Jan Bhagidari: Catch The Rain (JSJB:CTR) ka kyntiew ïa ki jingïarap ban pynneh pynsah ïa ka um kiba jemdor, kiba la shna da ka jingstad saian, kiba la ïalam da ka imlang sahlang kiba pynleit jingmut ha ki 3 tylli ki bynta-Ka imlang sahlang, ka dor, bad ka CSR. Kane ka kam ka pynshlur ïa ka jingthaw ïa ki rukom pyndap ïa ka um kaba don hapoh khyndew bad ki rukom buh um lyngba ka Jan Bhagidari (ka jingïashim bynta jong ki paidbah). Ka pynleit jingmut ha ka jingpynneh pynsah ïa ka um, ka jingpyndap biang ïa ka um kaba don hapoh khyndew bad ka jingpyndonkam ïa ka um ha ka rukom kaba ïaينه. Ka Jal Seva Aankalan ka plie lad ïa ki Gram Panchayat ban bishar bniah man ka por ïa ka jingtreikam jong ki kor um dih ha ki jaka nongkyndong. Kine ki sienjam ki pyni ïa ka rukom treikam kaba ïadei ha kaba ki jingtei, ka jingpynneh pynsah ïa ki tyllong bad ka jingïashim bynta jong ki paidbah ki pynskhem iwei ïa iwei pat.

Ka jingïaid shakhmat kaba phylla jong ka Jal Jeevan Mission ka la ai ka nongrim kaba skhem na ka bynta kane ka bynta kaba bud jong ka jingïaid lynti jong ka India ha kaba ïadei bad ka um. Hapoh ka jingïalam ba don jingïohi jngai jong u Myntri Rangbahduh ba donburom u Narendra Modi, ka Jal Jeevan Mission ka la pynkylla dur ïa ka umdih jong ki jaka nongkyndong jong ka ri India. Mynta, palat 15.8 klur ki longing ha ki jaka nongkyndong ki ïoh ïa ka um kor, kaba pynkylla ïa ka jingim jong ki million tylli ki longiing, khamtam eh ïa ki kynthei kiba shisien ki pynlut por da ki kynta man la ka sngi ban tong um na ki tyllong um kiba jngai. Ka jingïoh ïa ka um dih kaba khambha ka la kyntiew ïa ka koit ka khiah, ka la pyniar ïa ki lad ki lynti na ka bynta ka jingpule bad ka jingim, bad ka la wanrah ïa ka burom bad jingsuk kaba kham khraw ïa ki longing ha ki jaka nongkyndong. Katba ka Jal Jeevan Mishon 2.0 ka dang rah ïa kane ka jingïop shakhmat, la buh jingmut mar katjub ban pynthikna ba kine ki rukom treikam kin dang lah ban ïaينه ha ki phew snem ban wan. Ki jingtei um dih kiba khlain bad ki tyllong um kiba bha ki long ki nongrim kiba pynkhlain shuh shuh ïa kane ka sienjam. Da kaba pynneh pynsah ïa ka um slap, pyndap biang ïa ka um kaba don hapoh khyndew bad ïada ïa ki wah, ki pung bad ki tyllong um, ngi pynskhem

ïa ka bor jong ki kam kiba shakri ïa ki jaka nongkyndong jong ka India ban long kiba ïaينه.

Ha kylleng ki shnong, kane ka sienjam ka nang kylla sha ka jingtreilang. Ki Gram Panchayat ki pyniasoh lang ïa ki bried ha ki tyllong um jong ka thaini ban shim ïa ka Har Ghar Jal-Jal Sanrakshan Sankalp, da kaba pynskhem biang ïa ka jingular jong ki ban lum ïa ka um slap, ban pyndap biang ïa ka um kaba don hapoh ka khyndew bad ban pynim biang ïa ki tyllong um. Lyngba ki Jal Chaupal, ki Pani Samiti ki pynsuk ïa ki jingïakren halor ka jingmang pisa na ka bynta ka um, ka jingpyndap biang ïa ka um kaba don hapoh ka khyndew bad ka jingwanrah ïa ki lad pynneh pynsah ïa ki tyllong um ha ki jingpynkhreh kam jong ki Gram Panchayat, ban pynthikna ba ka jingpynbiang ïa ka um kan long shi bynta jong ka kam ban kyntiew ïa ki shnong. Ki paidbah ki dang shim ïa ki kam ban ïada ïa ki tyllong um da kaba pynkhiud ïa ki tyllong um. Ki pung bad ki jaka lum um, katba ki dang bei tyngka ruh ha ki lad ki lynti kum ki jingtei ban pyndap um, ban pynbha biang ïa ki tyllong um kiba la duh bad ki jaka rep lyngba ka jingiatreilang bad ki skhim kum ka VB-GRAM-G, DMF, SAMGA.

Ka jingtrei monsgewbha, ki khubor pynneh pynsah ïa ka um ba la thoh ha ki jaka lum um bad ki top, bad ka jingiatreilang jong ki samla lyngba ka rynsan My Bharat ki pynkhlain ïa ka jingïashim bynta jong ki paidbah. La rakhe ïa kane lyngba ka Lok Jal Utsav, bad kine ki sienjam ki wanruh na ha ki jaka nongkyndong ban treikam man la ka sngi. Ki pyni ruh ba ka jingpynbiang um kaba neh ka long kaba khlain tam haba ki sienjam jong ka sorkar ki ïadei bad ka jinglong trai jong ki paidbah. Ka jingpynbiang ïa ka um ka long ka kam kaba baroh ki don bynta lang.

Ha ryngkat kine baroh, ban pynthikna ïa ka jingshngaiin kaba jrong samoi ha kaba ïadei bad ka um dih, ngi dang pynbiang ïa ka rynsan Decision Support System (DSS) ha ka dashboard jong ka District Water & Sanitation Mission (DWSM) na ka bynta ki District Collector. Kane ka pyniasoh ïa ki jingtip kiba don shaphang ka um ha kawei ka rynsan kaba plie lad ïa ka jingpynkhreh kam katkum ka jingstad science, ka jingmang tyngka ha ki shnong na ka bynta ki kam um, ka jingïada ïa ki tyllong, ka jingpyndap biang ïa ka

um kaba don hapoh ka khyndew bad ka jingpeit kam katkum ka data.

Ka sorkar ka lah ban thaw ïa ki jingtei, pynkhlain ïa ki jaka treikam bad pynbiang ïa ki jingdonkam na ka bynta ka jingpynneh pynsah kaba jrong samoi. Ki shnong ki thaw, ha kajuh ka por, ki wanrah ïa ka jingtip, ka jingsumar bad ka jingtreilang. Haba kine ki bor ki iawan lang, ki thaw ïa ki lad na ka bynta ka um dih kiba lah ban shakri ïa ki pateng kiba mynta bad ki ban sa wan.

Kumba phi baroh phi tip ba, ka jingbei tyngka kaba T 8.6 lak klur hapoh ka Jal Jeevan Mission ka la thaw ïa ka jingtei um dih ha ki jaka nongkyndong kaba ym pat ju don mynno mynno ruh ha kylleng ka ri India. Hynrei ka jingïop jong ka, ka shong ha kaba sumar ïa ki tyllong um, ban kyntiew ïa ka jingpynneh pynsah ïa ka um, bad ban ai bor ïa ki shnong ban shim ïa ka jinglong trai bad ban pyniaid da ka jingkitkhlieh ïa ki skhim pynpoi um jong ki.

Katba kane ka kam ka nangiäid shaphrang ha kylleng ki jylla bad ki Union Territory ha ki sngi ban wan, to ai ba kan pynthymmai ïa ka jingkular lang jong ngi ban ïada ïa kawei pa kawei ka tyllong um dih. Kawei pa kawei ka jingpyrrshang ban lum ïa ka um slap, ban pyndap biang ïa ka um kaba don hapoh ka khyndew, ban pynphai biang ïa ka um tynrai lane ban ïada ïa ka tyllong um ba la shna ka pynskhem ïa ka nongrim jong ka Har Ghar Jal, da kaba kyntiew ïa ka jingim ha ki jaka nongkyndong kaba noh synñiang sha ka jingpynbiang um kaba jrong samoi kaba ïadei bad ka jingthmu Viksit Bharat |2047jong ka ri.

Haba ngi ïatrei lang, ngi lah ban pynthikna ba kane ka jingïop jong ka ri kan dang ïaibteng ban pynpoi ïa ka um dih kaba khuid bad kaba lah ban shaniah sha man la ka ïing ha ki jaka nongkyndong, ym tang mynta, hynrei ha ki pateng ban wan. Katba ka India ka nangiäid shaphrang sha ka jingthmu jong u Myntri Rangbahduh, ka jingpyniaid ïa ka um ha ka rukom kaba ïaينه, ka dei ban pyni nuksa ïa ka jingïashim bynta jong ki bried (Jan Bhagidari), ha kaba uwei pa uwei u nongshong shnong, ka Gram Panchayat bad ka imlang sahlang ki noh synñiang shitrhem ban pynneh pynsah bad ïada ïa ki jingdon jingem ba kordor jong ngi.

(U nongthoh u dei u Myntri Sorkar Pdeng ba dei khmih ïa ka Tnat Jal Shakti).